

DARL ai

TENTAMEN PHYSIOLOGICUM
INAUGURALE,

DE

Alimentorum Concoctione.

QUOD,

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S.S.T.P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjecit

JOANNES USSHER,

HIBERNUS,

Societatis Physicae Socius Honor.

Soc. Natur. Studios. Soc.

Nec non

Societatis Chem. Soc. Extraord.

Ad diem 12. Septembris, hora locoque publicis.

EDINBURGI:

Apud BALFOUR et SMELLIE,

Academiae Typographos.

MDCCLXXXV.

14055-500-111759

Page 102

110120-10-1-1000-1000

348494

52952/P

110120-10-1-1000-1000

110120-10-1-1000-1000

110120-10-1-1000-1000

110120-10-1-1000-1000

110120-10-1-1000-1000

110120-10-1-1000-1000

110120-10-1-1000-1000

110120-10-1-1000-1000

110120-10-1-1000-1000

110120-10-1-1000-1000

110120-10-1-1000-1000

110120-10-1-1000-1000

110120-10-1-1000-1000

110120-10-1-1000-1000

110120-10-1-1000-1000

110120-10-1-1000-1000

110120-10-1-1000-1000

Viro Honorabili,

CHRISTOPHERO ROBINSON,

Uni e iudicibus Hiberniae supremis,

Legum notitia nemini secundo,

Ingenii acumine iustitiaque,

A qua nec ulla aliorum arte,

Nec ullo emolumento suo,

Unquam potuit detorqueri,

In litibus dirimendis jure nobilitato ;

Doctrina varia insigni,

Et ab omnibus,

Quibus eum novisse contigerit,

Summo amore dilecto,

Hanc dissertationem inauguralem,

Ea, qua par est, observantia,

D. D. Cq.

JOANNES USSHER.

Mr McElwain

With compliments

from his Neighbourman

John Apple

TENTAMEN PHYSIOLOGICUM

INAUGURALE,

DE

Alimentorum Concoctione.

CUM magnam humorum quantitatem, quae in vasa nostra constanter diffunditur, velocitatem qua propellatur, et magnum quem vincat renixum, nobiscum attenti consideramus, potestates, quibus hicce perficiatur circuitus mirandae ingentesque videantur necesse est.

Machina, quae structuram adeo multiplicem, adeoque delicatam habet, quaeque tanta vi nunquam non exagitur, brevi, ob hanc causam solam, ad munia vitae diversa obeunda parum idonea evaderet, ni facultate damna et detrimenta quae singulis horis capiat reparandi admirabili, praedita foret. Namque vi circuitus partes solidiores abraduntur et gradatim consumuntur; humores corrumpuntur, et e corpore varia per excernentia tandem expelluntur. Quo vero huic iacturae, quae perpetuo fit, rite occur-

6 DE ALIMENTORUM CONCOCTIONE.

occurratur, corpus animale organis, quae substantias varias in suam naturam convertere, et tonum vigoremque amissa systemati restituere possunt, instruendum natura curavit.

Exinanitio, a functionibus diversis nunquam cessantibus proficiscens, sensum ventriculi molestum, lassitudinem corporis, et appetentiam cibi vehementem, movet, dum organa gustui et olfactui inservientia nostram ejus cupidinem adaugent, nobisque in delectu ejus habendo auxiliantur.

Voluptate allecti et dolore impulsu, alimentum, quod ad nos sustentandos necessarium est, paratum consumimus, ex hoc alimento chylus nutriens conficitur, qui per vires circuitus prius in sanguinem, deinde in solidum vivum, mutatur. Ita quod solida humana abradit et perdit, id eadem reficit, amissa illis restituens.

Ad vitam alendam tam necessaria est cibi concoctio, ut, in pauculos dies tantum sublata, mortales haud dubie extinguat. Integritate ejus ad valetudinem commodam constituendam opus est; namque etiam levissima ejus interpellatio systema corporeum non raro magnopere perturbat.

Summum hujus functionis momentum attentionis medicorum plurimum omni seculo in sese convertit. Spem igitur non fovere non possum, unumquemque me excusatum esse habiturum, quod dissertationem inauguralem conscripturnus, hoc argumentum omnibus aliis quotquot sunt anteferendum judicavi, quanquam plus ei luminis, quam scriptores antecedentes, memet offundere non posse plane confiteor. Opus suscipio nullo scribendi studio, nulla famae comparandae expectatione, adductus, sed mera hujusce academiae celebris legibus parendi necessi-

tate

tate coactus. Igitur omnis ejus ambitionis gloriaeque inanis, quae tot mortales exercet, ex toto experts, nihil amplius exopto, quam ut ex iis quae super hac ipsa re jam fuerint conscripta, quae rationi et veritati maxime convenient, feligere valeam.

Antequam vero ad inceptum redeo, diaetam vel alimentum, quod homines solent adhibere, leviter considerare non alienum esse videtur.

Omnis autem cibus, quo utimur, solidus e materia animali vel vegetabili constat; et utrum ex illo fonte necne alimentum humanum deduci natura voluerit, magnopere fuit certatum.

Olim Pythagoras ejusque aemuli, quia animos hominum post mortem in alia animalia transmigrare crediderunt, usum carnis ut impium parumque naturalem repudiarunt. In eandem sententiam hodie etiam concedunt Brachmanes, et pauculi alii. Genus humanum, cum dentibus molaribus, caeco coloque amplis, ut in classe animalium granivora incidit, instructi sint, vegetabilibus solis uti debere, affirmant. Structura vero corporis humani, appetitus mortalibus insitus, et omne argumentum, quod ratio recta possit suppeditare, opinioni tam absurdae plane et evidenter adversantur. Dentes enim incisores et caninos, qui animalium carne victitantium proprios referunt, homini natura sufficit. Quinetiam inter illorum et hujus ventriculum summa similitudo intercedit, et canalis humanus alimentarius, quantum ad longitudinem attinet, gradum inter classes granivoram et carnivoram medium tenet, utrique alimenti generi ex aequo accommodatus. Si usu carnis generi humano natura interdixisset, paucae, saltem apud regiones nuper repertas,

DE ALIMENTORUM CONCOCTIONE.

in quas luxuria nunquam irrepserat, nationes, quae hanc consuetudinem ignorarent, inventae fuissent. Caeterum, ne unam quidem offenderunt viri celebres, qui totum terrarum orbem circumnavigaverunt. Contra, nos certiores faciunt, universum genus humanum, Brachmanibus solis exceptis, diaetam mixtam, e substantiis animalibus et vegetabilibus conflata adhibere, et huic alimentorum generi ab Auctore rerum omnipotente destinatos esse nobis persuasum est.

Ante diluvium vero cibus hominis ex oleribus solis compositus est, instrumenta metallica, quibus terram coleret, defuerunt, regio quam tenuit calidior fuit, et summam fructuum gratissimorum varietatem ei suppeditavit. His solis vixit, et, hac diaeta simplicissima utens, longaevitatem mirandam, et hodie ex toto ignotam, attingere consuevit.

Post diluvium, forsan quod nonnihil perfectionis congenitae, quam in eum sub primordia rerum conferendam curaverat Deus Omnipotens, amiserat, aevi spatium decrevit, et cibus minus simplex ad eum sustentandum necessarius evasit. Igitur Deus Noah hunc in modum allocutus est, ‘Omne quod movetur et vivit erit vobis in escam.’

Quo vero diversis vitae necessitatibus semetipsum facile accommodet, in hac functione exercendi summa ei conceditur licentia. In sanis et valentibus, non multa cura ad delectum cibi habendum opus est. Alii vegetabilibus, alii carne potissimum; alii crudo alimento, alii eo, quod nonnihil praeparationis culinariae subiit, vicitant. Cibus vero mixtus, arte coquinaria excultus, naturae humanae haud
dubie

dubie maxime convenit, et ad valetudinem commodam servandam plurimum confert.

Omnis substantia vegetabilis fortasse plus minusve communis nutrientis principii continet. Huic vero in nonnullis dotes potentissimæ et acerrimæ adjunguntur, adeo ut minima etiam quantitate sumptæ vitam animalem extinguant. Eae pro cibo adhibendae, quae mites et blandae, odoris expertes, palatoque gratæ; acres vero, ut condimenta vel medicamenta, quanquam earum nonnullæ per artem culinariam mites redditæ, alimentum gratum et salubre suppeditant.

Substantiæ vegetabiles esculentæ, quantitate quàm continent nutrimenti, et facilitate qua idem præbent, a se invicem potissimum differunt; plerumque minus nutriunt, ægrius concoquuntur; pauciores sanguini globulos rubros sufficiant, igiturque humores magis aqueos, quam cibus animalis, reddere consueverunt.

Cibus vegetabilis raro corpus robustum efficit, nisi labori non parvo et quotidiano adjunctus; ad fermentationem vinosam et acetosam vergit; et igitur, cum vires concoctionis non tantæ sunt, quantæ huic incommodo occurrere possunt, flatus acorque ventriculûm et canalem alimentarium infestant, et vitia non parum formidolosa, ut dyspepsiam, diarrhoeam, colicam, choleram, morboisque similes progignunt.

Varia hujus generis adhibet genus humanum; sed fari-nacea partem dietæ vegetabilis longe majorem constituunt. Panis quo utimur bene coquatur, et rite fermentetur; frumentum maturrimum sit, et curiose exsicceetur et conservetur. Namque, si idonea harum dotium necessa-

riarum ratio non habeatur, pars nostri alimenti praecipua insalubris, tenax, coctuque difficilis evadet.

Cibus animalis, contra, per organa concoctioni inservientia facilius solvitur et assimilatur ; plurimum nutrimenti habet, et globulos rubros, humoresque magis elaboratos, copiosissime suppeditat. Quocirca corpus valens robustumque facit. Sed admodum liberaliter adhibitus, si exercitatio eodem tempore negligatur, appetitum prostermit, obesitatem, plenitudinem, et inertiam progenerat, mortales multos ad morbos proclives efficiens. Sponte sua ad putredinem inclinat ; et igitur, viribus concoctricibus debilitatis, plus minusve hujus in ventriculo vel intestinis subire potest.

Diversis animalibus, terrestribus scilicet, amphibiiis, et aquaticis, pro cibo utimur, arbitrio, necessitate, vel consuetudine, delectum quem habemus regente. Quinetiam, in modum vegetabilium, quantitate quam comprehendunt nutrimenti, et gradu concoctionis, quae ad idem extrahendum necessaria est, inter se potissimum discrepant.

Apud nationes magis excultas caro animalium ruminantium, et eorum quae herbas solas depascuntur, cuilibet alii merito praefertur. Salubrior enim est, magisque dissolubilis, quam carnivororum propria. Cujuscunque vero generis sit, aëri in aliquantum temporis ante objectus, quam adhibeatur, et modice coctus vel affatus, melior, tenerior, magisque sapidus evadit.

Piscis nutrimenti plurimum continet ; alia vero species plus hujus, quam alia, praebet ; facilius concoquitur, et ad putredinem magis vergit, quam caro animalium terrestrium.

Vires non tantum corporis, sed et animi etiam, a cibo qui adhibetur plurimum pendent. Quam iners hebesque est, qui se magna cibi animalis quantitate nuper ingurgitavit? Quam vegetus contra, qui olera sola prandet, mensam relinquit? Hi effectus magis etiamnum conspicui et evidentes sunt, ubi cibus unus vel alter ex toto magnave ex parte adhibetur. Qui vegetabilibus solis utuntur, ut nonnulli eorum qui Indiam Orientalem tenent, ii plerumque acuti et ingeniosi sunt, sed mites, timidi, fortitudine animique vigore magna ex parte destituti. Tartariae vero incolae, aliique barbari, qui pleraque tempora in venando agunt, et carne potissimum victitant, credules sunt, feroces, bellicosi, et intrepidi; sed, quantum ad ingenii acumen attingit, vix bestiis quas exagitare consueverunt antecellunt.

Quantum diaetam spectat, ratio aetatis, sexus, regionis, et constitutionis corporeae constanter habeatur. Ingesta viribus concoquentibus accurate accommodentur. Cibus ficcus et saporis fere expers, qui Epicuri de grege porco nauseam moveret, et concoqui non posset, hominem, cujus appetitus duro labore intenditur, cujusque ventriculus cibo et potione nimis non debilitatus fuit, reficiet, eique in deliciis erit.

Defectus dentium alimentum fluidum infantibus necessarium esse demonstrat. Prout aetatem maturam propius appropinquatur, alimentum firmitus adhibeatur, dum calida juvenia subest, major cibi pars ex oleribus constet. Vita provectiore, cum corpus robur vigoremque summa sibi fuit adeptum, plus cibi animalis necessarium evadit. Cum flamma vitae fere extincta est, et senium (altera infantia sed minus grata,) os rugosum ostendit,

cibus

cibus solidus decreascit, et ad eum qui inter adulto robusto, et infanti tenero accommodatum intercedit, decurratur.

Apud plagas calidiores, et tempestatibus anni aestiva et autumnali, natura, quae commodis nostris assidue et quasi anxia consulit, et summam fructuum olerumque copiam, varietatemque nobis suppeditat, partem alimenti praecipuam e substantiis hujusmodi constare debere, clare evidenterque demonstrat. Rebus ita se habentibus, fructus maturi conveniunt, qui perspirationi amicissimi sunt, corpus refrigerant, sitim restinguunt, et putredini acore suo obstant. Tantum nocent immaturi, immodice praesertim post prandium sumpti, ventriculo per cibum liberaliter adhibitum jam distenso. Quo denique regio annive tempestas frigidior est, eo pauciores sunt terrae fructus, et eo liberalius adhiberi potest cibus animalis.

Praeter hasce substantias, quae ad corpus alendum conferunt, varia quoque condimenta in usum revocamus, quae cibum adversus putredinem tutum reddunt, vel saporem ejus excolunt, concoctionemve accelerant. Utrique consilio inservit sal commune; cibum magis sapidum reddit, quae viscida ei insunt attenuat, vique leni stimulantem concoctionem, appetitum, et excretionem promovet. Carni quantitate exigua adjunctum ut facile putrescat facit, liberaliter additum idem retardat aut impedit. Nitrum dotibus similibus praeditum est, sed non aequale calefacit, et carni adjunctum colorem ei rubrum adauget. Acetum acore suo palato gratissimum est; appetitum excitat, vim refrigerantem, astringentem, et antisepticam habens. Compluria alia adhibentur, ut saccharum, aromata, oleum, &c. Sed non opus est, ut omnes eorum virtutes figillatim exequamur.

Quinetiam potio ad secretiones et excretiones sustinendas, et ad liquorem, sine quo cibus solidus nequeat dissolvi, nobis sufficiens, omnino necessaria est. Quicquid igitur humores nostros consumit, ut calor, evacuationes, materiae acres et stimulant in os fauces, vel ventriculum receptae, sensum movere consuevit, qui sitis appellatur, quique multo plus molestiae, quam fames ipsa facessit, et ni restinguatur, intolerandus brevique lethalis evadit.

Aqua est potio maxime naturalis et idonea. Purissima, non nihil elementorum aëris et ignis, cum terrae subtilis portiuncula, continet, a quibus nequit ex toto disjungi. Dum vero a nubibus descendit, et dum per strata subterranea viam sibi patefacit, sale, sulphure, substantiisque metallicis frequenter imbuitur. Ea, quae usui maxime accommodatur, levis, limpida, mollis, calefactu et refrigeratu facilis, saporis odorisque expers. Hae dotes conjunctae puram minimeque inquinatam esse demonstrant; nulla vero earum per se idem evincit. Pluvialis, exempli gratia, fluvialem, et fontanam levitate excedit; sed ova insectorum et alia non pauca, quae per aëra descendens offenderat, saepe continet, et hanc ob causam brevi viridescit, tandemque putrescit. Multa rursus ex aqua, pelluciditate ejus non imminuta, dissolvi possunt. Caeterum puram esse pro certo credas, si oleo tartari per deliquium, vel plumbo argentove ex acido nitroso soluto ei adjuncto, nec lactescit, nec sedimentum album deponit.

Liquores fermentati sunt duplices, e byne confecti, et vina. Mitis dulcisque liquor, qui minime potantes ine-

briat.

briat, semina farinacea ex aqua coquendo vel infundendo, quae prius in byuen fuere conversa, paratur; hic spuma vel flore cerevisiae ei addito fermentatur, et in cerevisiam lupulatam vel non lupulatam mutatur. Liquores hujusmodi aëre fixo abundant; minus stimulant, magisque nutriunt, quam vina vel liquores alii spirituosi, et mortales ad podagram, calculos, similesque morbos minus proclives reddunt.

Succus plerorumque fructuum maturorum vinum praeberet; hujus vero conficiendi causa uvae proprius adhibetur. Antequam fermentationem subiit, dulcis est, corpus refrigerat, alvumque solvit, et potorem minime inebriat. Facile nulla re ei adjuncta fermentescit, et hoc processu in vinum convertitur, quod qualitatibus, ab iis quas ante fermentationem habuit, admodum diversis praeditum esse reperitur. Gustum sensu pungente et vehemente afficit, animum exhilarat, fumentem ebrium reddit, vim antisepticam potiusque adstringentem habet, et optimum cardiacum mortalibus notum suppeditat. Multa ejus genera in usu sunt. Praecipuum inter ea discrimen a majore vel minore materiae nutrientis vel saccharinae, spiritusque quam continet quantitate, pendet. Dulcia nutrire alvumque solvere, auflera vires antisepticas, adstringentes, et tonicas habere dici possunt.

Liquores spirituosi per distillationem parati potantes exhilarant et inebriant; celerius agunt, et plerumque virium narcoticarum quam vina plus habent; sed aëre et acore ex toto destituuntur.

Omnes hi liquores modice sumpti appetitum adaugent, concoctionem, secretiones, et excretiones promovent, vires
cardiacas

cardiacas edunt, iis utentes reficiunt, et omni ratione valetudini commodae inserviunt. Nimia vero quantitate adhibiti, corpus debilitant, multosque morbos progignunt.

Quae diversa alimentum humanum constituunt, ea in cavum oris immissa, mucos, quem folliculi innumeri ibi siti excernunt, et magna salivae quam glandulae parotides, maxillares, sublinguales, aliaeque minores profundunt, quantitate humectantur. Cibus deinde lingua musculisque, qui cavum oris constringunt, inter dentes molares collocatur et retinetur, ubi in portiunculas dividitur, aliquanto aëris admiscetur, et in mollem pulpam reducitur. Satis mansus super dorsum linguae colligitur, maxillae concluduntur, prius apex, deinde totum linguae corpus palato admovetur, cavum super linguam deletur, et bolus in cavum faucium hoc tempore adauctum propellitur; dum ingressui in nares occurrit, velum palati pendulum, reditui in cavum oris lingua palato applicata, descensui in laryngem glottidis ipsius constriction, et epiglottis elastica, quae glottidem tegit, vicemque pontis, dum in pharyngem transit, praestat. Pharynx autem in suam vicem contracta, eundem in oesophagum detrudit, cujus fibrae in modum pharyngis propriarum, irritatae et distensae, semet a partibus superioribus inferiores versus, serie quadam continuata, fasciculisque parvis, tantum eodem momento contrahunt, bolum gradatim promoventes donec in ventriculum devehatur; dum ejus descensus per liquores lubricantes, quos arteriae exiguae exhalant, et mucos, quem folliculi glandulaeque, quae in totum tubum ab ore

ad

ad ventriculum usque diffunduntur, excernunt, ulterius promovetur faciliorque redditur.

E tunicis compluribus constat ventriculus. Intima vel villosa, cum reliquis longitudine excedat, multas efficit rugas, quibus superficies, spatio non aucto, augetur, et ita numero majori villorum locus conciliatur. Hi autem sunt fines arteriarum exhalantium, et ostia lymphaticorum absorbentium. Quinetiam multi pori semet in conspectum dant, qui sunt ductus glandularum quae mucum fecerunt, et in tela cellulosa huic tunicae subiecta sedent, excernentes.

Cibus hoc modo divisus et humectatus, in ventriculum immissus, vi sua irritante, et, distentione quam facit, secretionem liquoris gastrici, cujus quantitas, si e numero arteriarum quibus hoc organum instructum est, judicare liceat, admodum magna est, promovet, et actionem fibrarum muscularium excitat. Hae autem duplices sunt, longitudinales et exteriores, circulares et interiores, quarum priores ventriculum breviorum efficiunt, et cur ostia ejus ad se invicem propius accedant, in causa sunt, et quo major distentio est, eo magis ostia constringuntur. Actione fibrarum circularium motus fit, qui undas parvulas reptationemve vermiculorum refert. Hoc cibus ad pylorrem saepe propellitur, et inde toties repellitur, qui nihil tamen nisi partes magis fluidas per se in duodenam descendere patitur, dum crassiores, donec satis dissolvantur et concoquantur, retinentur. Proximum vero est, ut in causas, quae hoc praesent, inquiramus.

Multum operae et laboris in concoctione alimenti investiganda positum fuit; multae merae conjecturae, multaeque

taeque theoriae speciosae exstructae, dum nunquam, nisi inter pauculos annos proxime elapsos, ad experimenta, quae sola naturam ejus veram detegere et illustrare poterunt, decursum est.

Nonnulli potestati caloris solius concoctionem tribuerunt. Sed causa effectui minime par. Pleraque enim, quibus vescimur, intra ventriculum paucis horis ex toto dissolvuntur, dum parum mutationis subeunt, gradui caloris, liquore gastrico non adjuti, aequo vel majori, in spatium temporis multo longius objecta.

Si haec hypothesis vera foret, potestas cibum concoquendi calori corporeo pro rata ratione responderet. Caeterum in morbis acutis, ubi calor animalis maximus est, vis concoctionis magnopere imminuitur, et pisces, quorum temperies aquam illis circumdatam non multum excedit, cibum non ante manducatum facile concoquunt.

Licet vero calor non sit causa concoctionis proxima, eam tamen potenter accelerat, quod actionem liquoris solventis augendo praestat. De polypis Trembley differens notavit, cibum, qui, calore aestivo, duodecim horis concoquitur, nisi post biduum triduumve, tempestate frigida, solvi non posse. Quod idem quoque in anguibus, et animalibus, quae per aliquam anni partem torpida jacent, animadverti solet.

Liquor gastricus boum, avium, et complurium aliorum animalium ad genera diversa carnis dissolvenda non multo aqua efficacior esse repertus est, dum loci temperies, ubi stabulabantur, a gradu thermometri Fahrenheitiani 44 ad 48 variavit. Cum vero calor ad gradum septuagesimum nonum auctus fuisset, res longe iter se habuit ;

sed caro multo rapidius calore gradum 122 attingente soluta est.

Quo vim ^{caloris} gastrici liquoris in homine comperiret, Spallanzani, experimentum quod subsequitur instituit. In duos tubos liquore gastrico, quem ventriculus ipsius ei sufficerat, repletos, quantitates carnis bovillae aequales immerisit. Unus horum in hypocausto collocatus est, ubi calor humanum propemodum exaequavit, et alter temperiei aëris communi objectus. In illo caro duodecim horis dissoluta, in hoc vero paulo tantum celerius, quam in aqua, solutio fit, et finis processui non ex toto ponitur per aliquot dies.

Multi philosophi illustres phaenomena concoctionis per mathematica principia exponere strenue contenderunt. Quam vim in ingesta ventriculus, diaphragmatis et abdominis musculorum contractio, pulsusque arteriarum vicinarum innumeri edunt, eam ad calculos magno labore revocarunt, et hanc potestatem mechanicam solam, et sine ullo auxilio, ad ea conterenda et concoquenda sufficere asserunt.

Structura vero ventriculi humani delicata, eum ad munus huiusmodi fungendum minime destinatum esse demonstrat. Substantiae, quae texturam multo firmiorem, quam organum ipsum, habent, facile prompteque solvuntur, dum uvae maturae et cerasi integra parumve mutata excernuntur.

Canes volucresque praedabundae, quibus ventriculus est qui humanum structura reddit, ossa facile digerunt. Quod idem praestat ventriculus ranae tenerrimus. Si vero cibus, quod multi affirmant tereretur, ventriculi ho-

rum animalium substantiis tam duris non tantum laederentur, sed etiam perderentur.

Spallanzani aliquot dentes in faccum linteum inclusos in ventriculum caninum demisit, superficies eorum durissima erosa est, dum nihil injuriae sacco illatum. Duo tubi, quorum unus ossa ranae et piscis tenera, alter os femoris galli numidici diffracta, continebat, in ventriculum ardeae per vim fuerunt introducti. Frustra ossium et durorum, et tenerorum in duos fasciculos divisa, qui inter se filis colligati. Cum tubi 27 horas fuissent retenti, animal extinctum. In tubo cui tenera ossa fuerunt inclusa, nihil praeter ligaturam, quae integra fuit, remansit. Ossa dura magis albida multoque laeviora et tenuiora fuerunt reddita.

Globuli carnei quoque formam dum in stomacho aquilae gradatim solvebantur, retinere fuerunt reperti. Insuper, ventriculus salamandrae aquaticae vermibus parvulis albidis abundat, quibus structura adeo fragilis est, ut, parietibus ventriculi, ubi continentur, sibi invicem etiam quam levissime affrictis, corpora tenerrima iis lacerentur et perdantur. Igitur, si cibus tritura conficeretur, existere nequirent, nec globuli carnis, processu hujuscemodi pergente, formam retinere possent.

Spallanzani aliquantum carnis bubulae in ventriculum corvi, hora ante occisi, insinuavit, qui eandem quam aër temperiem habuit. Deinde volucris radiis solaribus in septem horas objecta. Quo temporis spatio finito, stomachoque accurate examinato, caro bovilla ex toto soluta reperta; et omnes concoctionis notas habuit.

Reaumur,

Reaumur, tubos octo metallicos, quorum quatuor gramen, totidemque foenum continebant, in ventriculum ovis immisit. Duobus gramen et totidem foenum saliva humana fuit humectatum. Post horas triginta ovis mac-tata est, et per hocce temporis spatium maxima tuborum pars per anum evacuata est. Sed materia, et excretis et retentis inclusa, formam et firmitatem primarias conser-vavit.

Spallanzani eadem experimenta eodem exitu iteravit; et igitur ingenioso Reaumur, liquorem solventem nisi tritura adjutum, concoctionem in hisce animalibus non perficere, fuit assensus, cum animum ad quoddam, concoctionem in hisce animalibus semper antecedens, considerandum ad-movit, alimentum nempe non recta a secundo ventriculo in tertium descendere, sed per oesophagum ad os usque rursus ascendere, ubi ruminationem subiit. Experimenta modo comprehensa repetivit, plantas, frumentum, et pa-nem, quae manfa et saliva sua humidata fuerant, adhi-bens, et singulos tubos, facculo linteo, ne quae compre-henderent per foramina lateralia elaberentur, implicans. Hae substantiae autem diversae ex toto concoctae fuerunt, dum facculi tubique qui adeo levès erant, ut pressurae di-gitorum facillime cederent, ne minimum quidem detri-mentum ceperunt.

Classi gallinaeae ventriculum validum muscularem, quem tunica interna firma et cartilaginosa defendit, na-tura sufficit. Globi et fragmenta vitrea per vim hujusce organi muscularem, in pulverem adeo subtilem, ut parti-manus posteriori violenter affrictus, ne minimam quidem ei injuriam intulerit, redacta fuerant.

Spallanzani

Spallanzani aciculas et lanceolas acutas globis plumbeis infixit, et chartae, ne oesophago nocerent, involutas, in ventriculos gallinarum communium, Numidicarum, anserum, similibumque demisit. Pleraeque et lanceolarum et acicularum quam proxime superficiem globulorum abruptae sunt, et notae violentiae non parvae globulis ipsis impressae; nulla tamen injuria, quae potuit animadverti, ventriculis facta. In hac animalium classe igitur, concoctio triturae ab omnibus fuit tributa.

Reaumur frumentum in tubos metallicos, quibus finis uterque fuit apertus, inclusit, et in ventriculum complurium e classe gallinacea detrufit. Cum ibi satis diu mansissent, examini subjecit; sed frumentum semper integrum repertum.

Spallanzani experimenta similia et in frumentum, quod in ingluvie fuerat maceratum, et in cuticula privatum, instituit, tubos, non tantum ad finem utrumque, apertos, sed magno foraminum numero pertusos, quo ingressus liquori gastrico liberior conciliaretur, adhibens; sed in omnibus exitus idem erat. Frumentum, ob humorem gastricum absorptum, tumefactum est; sed etiamnum integrum mansit.

Haec experimenta opinioni communi multum favere videbantur, sed philosophus acutissimus summam in iis fiduciam collocari non posse clare videt, et igitur per experimenta ulteriora, qualem vim liquor gastricus in hac animalium classe haberet, comperire decrevit. Alios tubos globulosque pane, alios carne replevit, et in stomachos complurium ex hac classe depulit, et iis inclusa dissoluta et concocta esse reperit, abdomine patefacto. Humo-

rem

rem earum gastricum per portiunculas spongiae in tubis inclusas sibi adeptus est, et hunc, frumentum contusum et carnem extra corpus, si gradus caloris idoneus, ut axillae suae proprius adhiberetur, dissolvere posse compertum est. Si aqua in locum liquoris gastrici substitueretur, frumentum leviter tantum excavatum est, et superficies carnis solvi inceperat. Haec putrida evaserat; et frumentum acorem sibi acquisiverat. Quae duo, humore gastrico adhibito, nunquam inciderunt.

Per haec experimenta ingeniosa, et multa alia enumerare longiora, auctor illustris haud dubie demonstrat, concoctionem etiam in hac animalium classe, ab humore gastrica omnino pendere, et vim stomachi conterentem nihil aliud, quam vicem dentium praestare, et frumentum ad actionem liquoris solventis subeundam praeparare.

Duae theoriae etiamnum considerandae supersunt; antequam vero ad eas investigandas veneo, paucula prius de natura et dotibus salivae succique gastrici, quae ab iis haudquaquam disjungi possunt, tradenda puto.

Fontes, unde saliva deducitur, jam memorati. Quantitas hujus liquoris admodum magna secernitur, duodecim uncias etiam, si modice supputetur, singulis diebus adaequans vel forsitan excedens. Est maxime copiosa, fluida, et acris in famelicis, et quo siccius alimentum, eo abundantius secernitur; namque glandulae hoc officio fungentes ita sitae sunt, ut actio musculorum, qui inter manducandum et loquendum adhibentur, liquorem earum constanter eliciat. Quinetiam stimulus ab irritatione oriundus ad secretionem hujusce liquoris promovendam non parum confert; namque, si etiam de grato cibo cogitatur, magis

magis liberaliter profunditur. Tenuis et pellucidus est, sed aqua crassior. Fit magis opacus et viscidus, eo quod cum mucos oris commiscetur. Odoris et saporis, si gradum quidem minimum odoris ammoniaci excipias, expers est. Vim detergentem et solventem habet, adeo ut os esurientium in primis mundum esse reperitur. Non parum aëris continet, calore non cogitur, nec facile frigore congelatur. Prompte evaporatur, sed non aeque celeriter ac aqua, nonnihil sedimenti post sese relinquens. Indolem saponaceam habet, et ut fluida oleosa aquae possint admisceri facit, quanquam hoc forsitan a mucos cui admiscetur valeat pendere. Appetitum excitat, cibum attenuat, et prima hujus nutrimini corporis rite accommodati signa praebet. Ex aqua, oleo, pauxillo salis, et portione terrae admodum exiguae, quae crustam, quae perperam tartarum appellatur, dentibus infert, constari videtur.

Pringelius experimentis suis concludit, salivam fermentationem impedire, dum a Doctore M'Bride instituta eundem humorem effectum omnino contrarium edere testantur. Misturas panis, carnis, et salivae, calori humanum adaequanti objeci, fermentatio semper citius incipit, et processus spatio, quam cum substantiae similes in aquam immerfae fuerunt, brevior ad finem fuit productus. In utroque fermentatio incidit, cum misturae nullam per agitationem fuerunt perturbatae; si vero ea lenis agitatio, quae in ventriculo ipso incidere poni potest, adhibita fuit, processus fermentationis, vel ex toto impeditus fuit, vel admodum imperfectus redditus.

Liquor gastricus ab arteriis ventriculi exilibus quantitate non modica distillat. Salivae, humori oesophagi proprio,

proprio, et mucō constanter admiscetur. Igitur vix ullo modo purus comparari potest, quod in causa est, cur natura ejus et dotes parum accurate fuerint investigatae. Eum ut liquorem diluentem potissimum agere credidit Boerhaavius. Sed celeberrimus Monroius, anatomicorum quos seculum viderit nostrum facile princeps, Dr Stevens, et Spallanzani, eum vim solventem potentissimam habere per experimenta numerosa demonstrarunt. Nonnihil ejus e suo ventriculo, cum diu jejunasset elicuit Spallanzani; primum fuit spumofus; paucas horas stare permissus, sedimentum exiguum deposuit; deinde aequè limpidus ac aqua evasit; saporem salinum habuit; sub dio in vaporem abiit, et in vas conjectus, prunisquè impositus, fumum crassum emisit. Quinetiam Scopoli, rei chemiae Paviae professor, liquorem corvi gastricum examinavit. Cum calce viva, aut sale tartari contritus, odorem urinae proprio non dissimilem emisit, acidis mineralibus admistus non effervescebat, sed potius colorem viridum syrupo violarum dedit. Aquam puram, substantiam animaleam saponaceam gellatinosam, sal ammoniacum, aliquid terreum, id quod in omnibus humoribus animalibus existit referens, ei inesse compertus est.

Argento ex acido nitroso soluto adjunctus, lunam corneam format, acidum muriaticum quod continet, argentum a nitroso, quod alkali salis ammoniaci volatile sibi attrahit, disjungit.

Idem praestitit liquor corvi gastricus, postquam hebdomadas quindecim substantiis vegetabilibus fuerit pastus. Hoc in exemplo sal ammoniacum non a cibo animali potuit

potuit proficisci, sed a potestatibus vitae originem deduxisset.

Hunc liquorem in compluribus animalium classibus examinavit Spallanzani, et eum in omnibus putredini et fermentationi potenter obstare, nulla ex parte inflammabilem esse, non acidis alkalive adjunctum effervesce; hebdomadas mensesve tempestate anni fervidissima servatum, nec colorem nec saporem mutare, nec ullum odorem ingratum sibi acquirere, reperit.

Restat, ut theorias fermentationis et solutionis consideremus.

Sub mediam centuriam annorum superiorem fermentationis ubique recepta est. Ex eo tempore viri illustres Pringle et M'Bride, eam quantum in sese fuit, firmare conati sunt. Et hodie etiam nulli alii theoriae, quod ad numerum fautorum attinet, cedit, quanquam nonnulla experimenta nupera eam ex toto subruere et convellere existimo.

Qui huic doctrinae favent, ii notant, omne nostrum alimentum ad fermentationem sponte sua vergere, et omnia, quae ad hunc processum provehendum necessaria sunt, in ventriculo subesse. Cibum igitur, ut illis placet, saliva humectatum, et reliquiis alimenti proxime sumpti, quod vicem fermenti praestat, admixtum, in ventriculo per motum intestinum, qui eundem attenuat et solvit, agitari; deinde per actionem ventriculi, septi transversi, partiumque vicinarum, muscularem, cum gastricis succis accurate commisceri, et in intestina tandem tenuiora propelli, fermentationem ibi etiamnum pergentem, eum ulterius mutare, et auxilio bilis succique pancreatici, in chylum ad extremum convertere. His modo positis etiam adjiciunt, ructus post cibum sumptum frequentes, et murmura ven-

tris, quae saepe notantur, fermentationem revera incidere, clare demonstrare.

Caeterum, alia non pauca, quae huic opinioni admodum adverfantur, silentio praeteriverunt. Inter omnes physiologos, convenit, ventriculo comprehensa motu peristaltico leniter agitari. Quies vero fermentationi adeo necessaria est, ut etiam haec agitatio lenissima eam plurimum retardare, forsitan ex toto sistere, reperiatur. Eundem effectum edit liquor gastricus; namque misturis alimentariis adjunctus, fermentationem, quae in iis jam coeperat, impedit, et non ulterius progredi patitur.

Saliva, quae fermentationem et putredinem promovet, non aqua ipsa ad substantias vegetabiles et animales solvendas efficacior est, dum liquor gastricus, qui utrosque hosce processus retardat, et praecavet, eas potenter dissolvit. Omnes solutiones, quas extra corpus hocce liquore effecerat, microscopio examinavit Spallanzani, sed ne minimum quidem motum intestinum ullo in exemplo detegere potuit.

Os in ventriculo multorum animalium facile concoquitur, dum hordeum et alia ad fermentationem prona immutata manent. Insuper, pleraque ex alimentis in ventriculo prius dissolvuntur, quam fermentatio incipere potuit. Concoctio quoque per affectus animi concitatiores subito nonnunquam impeditur; sed fermentatio semel incepta per nullam ventriculi conditionem, quam fingere possis, interpellaretur. Quinetiam pisces cibum integrum devorant, pars cujus in oesophagum frequenter protruditur, et ibi non concoctus manet, dum pars ventriculo comprehensa perfecte digeritur. Fermentatio vero in

una corporis cujuslibet parte excitata, semet in totum celeriter diffunderet. In iis experimentis, ubi tota caro tubis globulisve inclusa non dissoluta fuit, reliquae solutionem a superficie centrum versus processisse monstrarunt. Namque pars intima structuram fibratam retinere reperta est. Quo plura quoque fermentationis signa semet in conspectum dant, eo magis imminuitur concoctionis potestas. In dyspepsia, experientia duce et magistra, ea, quae fermentationem facillime subeunt, cauti attentique vitamus. Si vero haec theoria vera foret, praesidium hoc morbo colluctantibus efficacissimum praeberent. Si fermentatio revera incideret, nonne phaenomena hujus processus se manifestarent? Nulla vero signa acidi aërii, spiritus vinosi vel alkali volatilisi, in ventriculis sanis et valentibus semet ostendunt.

Spallanzani gallinis, quae duodecim horas cibo abstinuerant, aliquantum tritici dedit, et quinque post horis ingluviem patefecit, dum vivae adhuc manebant. Frumentum subactum est, et ad massam gelatinosam redactum, quae per duodenum extensa. Licet vero microscopio fuerit usus, nulla fermentationis in ea signa potuit videre. Aliarum processu concoctionis provectiore ingluviem perscrutatus est; sed eventus fuit omnino idem. Deinde experimenta in animalia, et quibus ventriculi intermedii, et quibus membranacei fuerant, similia instituit, ex intervallis diversis, postquam substantiis animalibus vel vegetabilibus fuerant pasta, praesertim, concoctione incipiente, media, et finita examinans. Caeterum, ne unum quidem fermentationis signum ullo tempore semet ostendit.

Animalium

Animalium ruminantium et gallinaceorum ventriculus odorem acidum plerumque exhalat, et quae continet plus minusve saporis acidi habere nonnunquam reperiuntur. Ructus, et vomitiones quoque acidae, in ventriculo humano acorem nonnunquam dominari testantur; et hinc opinio orta est, concoctionem ab acido principio pendere; acorem quidem in ventriculo aliquando subesse, nemo inficiari potest; sed ei naturalem esse admodum improbabile est, cum non semper sese ostendat, sed a qualitate cibi pendeat, et signis concoctionis depravatae assidue stipetur. Quinetiam acor, qui in ventriculo animali nonnunquam apparet, cum cibibus vegetabilis liberaliter fuit adhibitus, hoc perfecte soluto, ex toto decedit.

In volucribus praedabundis, serpentibus, ranis, et plerisque animalium carnivororum, in omnivoris, ut in corvo, cibus, si carnem solam depascuntur, ne levissimam quidem in ventriculo acoris notam unquam ostendit.

Frustra corallii conchaeque marinae a Spallanzani avibus carnivoris data. Colore nulla ex parte mutato, et pondere non imminuto, rejecta. Eadem tubis validis inclusa, et in ingluviem complurium e gallinaciis demissa. Pondus illis semper imminutum, superficies mollita, et nigra reddita. Phaenomena omnino eadem, iisdem substantiis in acetum dilutum immerfis, semet ostenderunt. Deinde haecce experimenta in se instituit. Cum carnem, pauxillo panis tantum ei adjuncto, edit, quod devoravit nec nigrum redditum, nec pondere diminutum. Si vero magnam vegetabilium diversorum quantitatem sumpsit, eventus admodum variavit; namque nigra evaserunt, et nonnihil ponderis amiserunt.

Complures e gallinaceis pane fuerunt pastae, et ingluvies illis ex intervallis diversis examinata. Quamdiu panis formam et texturam retinuit, acidus plerumque fuit. Quamprimum vero ad chylum redactus est, acor ex toto evanuit, et, quae pars ejus in duodenum descenderat, ea signum acoris levissimum nunquam ostendit. Tubi pane acido repleti, in ventriculos aliquot corvorum immissi sunt, et, cum sex horas ibi mansissent, inspecti : Quod panis superfuit, id tantum abfuit, ut acorum sibi acquisiverit, ut contra, ex toto fuerit dulce.

Ventriculus vituli lactantis, ut omnes norunt, lac cogit, et hoc phaenomenon, cum acida idem semper praestent, evincere fuit existimatum, acorem in ventriculo subesse, vel acidum saltem in succo gastrico latere. Caeterum Spallanzani compertus est, et ventriculum, et liquorem gastricum omnium, quae examinavit, animalium, eundem effectum edere, et hanc potestatem etiam ficcata et in longum tempus servata retinere, quanquam examini chemico subiecta, nullum acoris signum monstrarunt. Invenit quoque segmenta cordis, hepatis, et pulmonum galli Numidici lac cogere ; sed sanguinem et bilem ejusdem animalis non idem praestare. Quomodo vero poni potest, substantiae cordis, hepatis, et pulmonum acidum inesse, dum sanguis eodem destitutus est.

Tertia fermentationis species est putredo, et ab hac Empedocles, qui primus, uti videtur, conjecturam super hac re fecit, concoctionem pendere voluit. Ex ejus tempore, haec theoria a multis medicis, et antiquis et hodiernis, fuit recepta, et nonnullae res verae ejus stabiliendae causa adductae. Sed pauculae sunt, et multis earum non
nihil

nihil objici potest. Opinio quidem, rationi, observationi, experimentisque repugnare videtur. An chylus, qui est liquor mitis, blandus, et nutriens, putredinis propago esse potest? Si haec concoctionis causa sit, cur non instinctu adducti ea alimenta adhibemus, quae ad hunc statum sunt maxime proclivia? Caro animali calori octo decemve horas, prius objiciatur necesse est, quam putrere incipit; sed in ventriculis multorum animalium spatio temporis duplo breviori ex toto solvitur. Octo animalia varia carne pasta fuerunt, et ventriculi eorum per omnia concoctionis stadia diversa accurate inspecti; sed nullo in exemplo, si ventriculus fuerit sanus, potuit notare ullum etiam levissimum indicium putredinis. Falco, cui nulla fuit ingluvies, cujusque cibus in stomachum protinus descendit, octodecim horas postquam pullum gallinaceum devoraverat, a Spallanzani incisus est. Quod in ventriculo superfluit, id pondus duarum unciarum adaequavit; sed nulla, quantum ad odorem vel saporem attinuit, putredinis signa edidit, nec colorem syrupi violarum mutavit.

Carnem in ventriculis animalium nonnunquam putrescere haud dubie verum est; sed hoc a conditione illius organi morbida, qua humor gastricus mutatur, parumque efficax redditur, semper proficiscitur.

Humorem gastricum putredini potenter obfistere, supra posui; caro, in eum, immersa, per triginta septem dies, dulcis et incorrupta mansit, dum circa diem septimum putrida evasit, ex aqua macerata, et eidem caloris gradui objecta. Putridis etiam integritatem restituit, et haecce potestas augetur calore. Mense Martii, caro putrida dies
viginti

viginti quinque in succo gastrico remansit, et paulo plus tantum dissoluta est, quam cum in eum primum immersa, et paululum foetoris solummodo amiserat. Junio nonnihil carnis, in qua putredo longe fuerat progressa, per liquorem gastricum triginta septem horis ad pulpam redactum est, et magna ex parte putorem amiserat. Sed mistura similis radiis solaribus circa medium eundem mensem obiecta, odorem foetidum horis decem omnino perdiderat.

Spallanzani, qui aves pro arbitrio edere permissas, ingluviem cibo adeo ingurgitare, ut nisi horis sedecim vel viginti elapsis, non rursus ex toto depleantur, notaverat, pullum gallinaceum, qui unciam carnis contusae in ingluvie habuit, examinavit. Gravem putridum odorem sibi comperaverat, mollis evaserat, colorem fusco rubrum et saporem nauseosum habuit. Caro vero, quae in ventriculo descenderat, dissoluta est, saporem amaro-dulcem habens, odorem minime foetidum emittens. Liquores igitur dotes, quas caro in ingluvie sibi acquisiverat, putridas correxerant. Denique, ex multis experimentis pulcherri-
mis didicit, varias animalium classes, et hominem in reli-
quis, non tantum, sanitate substante, putredinem eorum,
quae in ventriculo subsunt, compescere, sed putridis etiam
integritatem reddere posse.

Vim humorum, qui e tunicis ventriculi secernuntur, ad
concoctionem perficiendam efficacissimam esse, testantur
res verae et experimenta jam prolata. Nihil amplius igi-
tur, theoriae solutionis confirmandae et stabiliendae causa,
quam paucorum experimentorum, quae in hominem ip-
sum fuerunt instituta, exitum referam. Dr Stevens, qui
primis hunc modum investigationis, in specie humana,
per-

perscrutatus fuisse videtur, equiti Pannonico, qui vitam popellum lapidibus devorandis oblectando toleravit, globum argenteum cavum, multis foraminibus pertusum, dedit. Hunc autem variis materiis alimentariis, ut carne et pisce generum diversorum, pane, frumento, aliisque substantiis vegetabilibus, replevit. Harum aliae coctae fuerunt, aliae crude, aliae manducatae vel divisae, aliae integrae. Globulo excreto et exanimato, frumentum semper integrum, et immutatum mansit; omnes aliae substantiae dissolutae fuerunt, piscis celerius quam caro, coctus quam crudus, manducatus quam non divisus. Quaedam animalia vivida, ut hyrudo, et aliquot lumbrici, simili periculo subiecta, eodem modo fuerunt affecta.

Spallanzani hasce substantias diversas, modo facculis linteis, modo lignis tubis inclusas, quorum hi panno linteo, ne materia foeculenta per foramina lateralia ingrederetur, accurate obtecti sunt, devoravit. Quae iis continebantur, frumento excepto, ea dissoluta fuerunt; dum facculi, tubique continentes, quamvis [tubi adeo tenues fuerunt, ut pressura levissima eos diffringere potuisset, integri evacuati. Si quae carnis reliquiae in tubis reperiuntur, eae semper fuerunt gelatinosae et ex toto dulces. In omnibus hisce experimentis, rapiditas solutionis ingressui liquori gastrico concesso, pro rata ratione, respondebat. Quarta unciae carnis bubulae pars in ventriculo corvi junioris quadraginta tribus minutis dissoluta est. Dum quantitas aequalis tubis inclusa, nisi quatuor horis elapsis, concoqui nequivit. Foraminibus tuborum adactis, processus acceleratus, imminutus, retardatus. Sacculi continentes simplices citius quam dupli-

ces depleti, et plicae ad certum gradum usque multiplicatae processum ex toto impediunt.

Nonnulli sibi in animum induxerunt, diversa unde nostrum alimentum conflatur, succos tantum amittere, et minime dissolvi. Caeterum evacuatio facculorum linteorum, tuborumque tectorum absoluta, quae tendinibus, cartilagine, et etiam osse molli in eos inclusis, consuevit incidere, hanc opinionem ex toto convellit.

In numero animalium longe majore ventriculus membranofus est, et ejus potestas, quantum trituram spectat, fere nulla. Vis quoque muscularis ingluviei gallinaceorum immensa, parum necessaria fuisset, si fermentatio concoctionem efficeret, et philosopho omnino indignum foret ponere aut existimare, huncce processum in uno animali a tritura, et in alio a fermentatione proficisci. Caeterum, quod perpetuae naturae simplicitati omnino convenit, humorem gastricum, in omnibus, etiam gallinaceis, concoctionem et incipere et absolvere comperimus. Is enim ingesta penetrat, ea mollit, sapore et colore privat, tandem dissolvit, et in massam mitem, blandam, potiusque gelatinosam mutat, quae in duodeno per bilem succumque pancreaticum dilutior redditur, et in chylum convertitur.

Qua ratione vero ventriculus ipse actioni hujus potentis solventis obsistit? Conformationi ejus singulari, vel humori gastrico inertis, tribuendum est? Nec unum, nec alterum, pro causa habendum esse, e dissertatione a Joanne Hunter, in actis philosophicis edita, manifeste apparet. Curvaturam ventriculi majorem magna ex parte erodi, et nonnunquam ex toto dissolvi, in hominibus, qui

fuerant violenter extincti, frequenter reperit, dum margines vulneris molles esse, in modum carnis semiconcoctae, visae sunt. Eadem phaenomena in compluribus aliis animalibus notavit, et hinc concludit, principium vitale substantias animales a potestate concoctionis defendere, sed stomachum ipsum, hoc principio orbatum, digeri posse, vel actione aliorum ventriculorum, vel reliquiis illius potestatis, quam ante habuit, dissolvendi. In hanc sententiam concedo, quod optimam phaenomenorum explicationem hactenus traditam praebet; sed tamen non ex toto mihi placere confiteor, quod animalia in ventriculis aliorum nonnunquam viva, quamvis semiconcocta reperiri dicuntur. Quinetiam Cl. Monroius, suis in praelectionibus, istis ex auctoribus prolatis, duo insuper specimina proponit, in quibus larga foramina, stomacho scilicet per vitam eroso, patefcunt. Horum quidem foraminum orae cute obductae, neque tamen tunicae videntur schirro, aliove malo affectae. Porro autem duos memorat aegros, quibus sub mortem stomachus vehementissime dolebat. Corporibus mortuorum triginta circiter horas incisus, alterius quidem tunica villosa, alterius autem omnes ad laevam erosae fuerunt. Etsi hoc post mortem exstiterit, at nobis tamen horum dolores praecedentes, supra simul citata, reputantibus denique, famem stomacho verminationem quandam faceffere, opinari fortasse liceat, succum gastricum multo esse valentiolem quam plerique omnes hactenus crediderunt, eundemque non solum animalia viva ingesta posse partim ante vitam penitus perditam dissolvere, sed ventriculum quoque nostrum viventem afficere sic, ut vitia molesta ac forsitan periculosa indidem oriantur. Quantam vim
haec

haec habeant, observatio et experimenta futura statuant necesse est. Nihil aliud in praesentia memorabo, quam res alimentarias in ventriculum animalium post mortem introductas concoqui solere, dum organum ipsum, parum nihilve detrimenti capit. Substantiae in ventriculum introductae, ab omni parte liquore gastrico cinguntur, dum hocce fluidum superficiem tunicae internae tantum contingit, et actio ejus in hanc quoque, per mucum, quo semper inungitur, non parum impeditur.

Succus omnium animalium gastricus quibusdam in dotibus convenit; sed effectus et actio hujusce liquoris solventis, in animalibus diversis, mirum in modum diversa sunt. Sphaeram ossis duri in ventriculum falconis dimittit Spallanzani; gradatim soluta est, sed ad extremum et formam et duritiem retinuit. Huic simillima aquilae data, quoque concocta est, sed per totum processum adeo mollis reperta, ut segmenta e superficie ejus possint excidi. Milvus, noctua, et quaedam aliae volucres, dum ossa durissima concoquunt, frumentum coctum immutatum excernunt. Multae, quanquam cibum nulla ex parte divisum devorant, eundem facile conficiunt, et hoc in nonnullis efficitur, quanquam temperies eorum atmosphaerae propriam tantum adaequat; sed in his processus plerumque est tardus. In gallinaceis vero et ruminantibus, et etiam in hominibus, ubi concoctio celeriter absolvitur, liquores gastrici hoc officio, sine ope caloris animalis et triturae, nequeunt fungi. In gallinaceis haec ventriculo ipso, et in reliquis dentibus, perficitur. Hic liquor denique in omni specie ad cibum quem natura ejus desiderat, concoquendum excellenter accommodatur, et vis ejus et quantitas

titas necessitati uniuscujusque animantis pro rata ratione respondent.

Opinio ubique apud medicos invalescit, actionem metallorum in systema humanum, cum forma salina non dantur, ab acore, quem in ventriculo offendunt, ex toto pendere. Hoc solo solvi dicuntur, et sine hoc omnino inertes esse ponuntur.

Quod jam super acido in ventriculo fuit dictum, id huic doctrinae fortiter adversari videtur. Mercurius quoque, forma unguenti applicatus, systema humanum facile ingreditur, et omnem corporis partem pervadere videtur. Hoc in exemplo vix poni potest, solutionem ejus per acidum perfici.

Complures globulos ligneos cavos comparavi, quorum singuli multis foraminibus fuerunt pertusi. Ex aqua complures per horas, quo omni materie colorante orbarentur, cocti sunt, et deinde spongia repleti in ventriculum canis et felis, quo liquorem horum animalium gastricum absorberent, detrusi sunt. Quod vero hoc modo adeptus sum, id exiguum fuit, quoniam capacitas globulorum parva fuit, et si frequenter in ventriculum immissi fuissent, multa animalia miserrima extincta fuissent. Globulis igitur objectis, spongiam solam adhibui, cujus frustra minime exigua in ventriculos eorum detrudi posse compertus sum. Unumquodque animal viginti quatuor horas servatum est, postquam carne fuerat pastum, antequam spongias devorare coactum est. Aliquando, quo eas recuperare, animal enecare necesse fuit; sed hoc minime perpetuum erat. Namque spongiae vomitione saepe rejectae sunt horis duabus aut tribus postquam sumptae fuerant.

rant. Ex uno cane parvulo, quinque vicibus, tres humoris gastrici uncias et amplius extraxi. Odorem valentem ingratumque habuit, nec acidus nec alkalinus, quantum sensus potuit judicare, fuit, sed, uti sapor monstravit, non parum salinus. Alkali fixo aëre onerato addito, effervesce non videbatur, sed odorem pungentem alkali volatilis momento fere emisit. Non adeo, ut percipi potuerit, colorem syrupi violarum mutavit, sed tincturam heliotropii nonnihil rubefecit.

Sescunciae hujus liquoris semi drachmam mercurii calcinati adjeci, et aequalis ejusdem mercurii quantitas ex sescuncia aquae infusa est. Utraeque mixturae, phialis accuratissime clausis contentae, in balneo arenae, cujus calor a gradu 90 ad 100 thermometri Farenheitiani variavit, in triginta horas et amplius collocatae sunt, per quod spatium frequenter agitatae sunt. Pulveres prius subsidere permitti sunt, deinde per chartam percolati.

Tres quartae partes utriusque liquoris colati, seorsum in vas Sinense planum immittae, quo evaporentur, in cli-bano e stanno confecto, ante ignem tardum collocatae sunt. In partem quartam utriusque liquoris reservatam, portiuncula cupri splendentis immersa est, et mixturae pauculas per horas in balneo arenae posita. In phiala liquorem gastricum continente, in quo mercurius fuerat digestus, superficies cupri mercurio, qui principium inflammabilitatis e cupro attrahendo restitutus est, dealbata est, et loco mercurii, in superficie cupri praecipitati, aliquantum cupri dissolutum est; namque liquor, volatile alkali addito, sapphiri colorem sibi assumpsit. Cuprum in altera phiala nullum colorem sibi fuerat adeptum, nec liquor

liquor ei circumdatus alkali volatili addito caeruleus evasit.

Evaporatione misturarum in clibano positarum absoluta, vas, quod aquam, in qua mercurius calcinatus fuerat infusus, continebat, parum nihilve sedimenti praebebat. Splendor vasculi Sinensis per nubeculam decolorem aliqua ex parte imminutus est; sed nihil periculo ulteriore dignum inde colligi potuit. In alterum vas, quod liquorem gastricum, in quo mercurius fuerat digestus, comprehenderat, residuum, mucro deficcato non abfimile, repertum est. Hoc diligenter collectum, in tubum vitreum, quartam digiti partem diametro adaequantem, hermetice ad unum finem signatum, immissum est, cuius fini inferiori applicatus est ignis, dum finis alter charta leviter obturatus est. Primum nubis albida in superficie tubi interiore semet ostendit, quae mercurius sublimatus esse visa est, et in hoc globuli mercurii exigui innumeri facile percipiebantur. Calore adaucto, oleum empyreumaticum ortum est, quod superficiem tubi nigram reddidit, et mercurium celavit.

Per partem processus posteriorem, odor volatilis admodum vehemens emissus est, qui spiritus cornu cervi proprium omnino reddit.

Semidrachma limaturae ferri in phialam quae fescunciam liquoris gastrici, et eadem quantitas in alteram, quae fescunciam aquae continebat, immissa est. Liquores, cum in balneo arenae duas propemodum dies fuissent digesti, per chartam bis colati sunt, et deinde pauxillo utriusque aliquantum infusi gallarum ex aqua additum est. Liquor illius phialae, in quam liquor gastricus fuerat conjectus,

jectus, admodum niger evasit, alterius proprius ne quidem minima ex parte colorem mutavit.

Aliquantum aeruginis, in vasculo idoneo ad ignem in horam dimidiam, quo acido ex toto privaretur, objeci. Semidrachmam ejus, in phialam, unciam liquoris gastrici comprehendentem, et eadem metalli quantitas in eandem aquae quantitatem injecta est. Deinde utraeque phialae in arenae balneo collocatae sunt, et in 30 horas digeri permiffae. Ex hoc spatio liquores per chartam percolati sunt, et singulis nonnihil alkali volatilis adjectum. Qui gastricum liquorem habuit, quique ante fuscum colorem ostendit, is momento aliquid coloris sapphirini sibi adeptus est. Alter ex toto immutatus mansit, et colorem speciemque aquae habuit.

Quaedam cupri limaturae, et etiam nonnulla laminac cupri frustula iisdem operationibus et processibus fuerant subiecta. Exitus omnino idem erat. Liquor gastricus in quem immiffa fuerant, spiritu falis ammoniaci addito, caeruleus evasit, sed aqua immutata mansit.

Ex his experimentis clare apparet, liquorem gastricum metalla solvere valere. An acidum vero hoc praestat? Animus minime, ut huic opinioni favere inclinatur. Acor hujusce liquoris admodum exiguus sit oportet, cum nullum suae praesentiae, praeterquam quod tincturam heliotropii nonnihil rubefacit, testimonium praebet. Igitur non ponere non possum, multum potestatis ejus solventis huic principio non tribui posse. Vero acidum aërium, quod non plus testimonii sui acoris praebet, metallica dissolvit.

Unum quidem silentio minime praetereundum est, liquorem nempe gastricum, aliquantum falis ammoniaci continere,

nere, quod, ut omnes optime norunt, metalla potentissime solvit; et huic vim metalla solvendi, multo magis, quam levi acoris, quem liquor gastricus habet, gradui, tribuerem. Substantiae metallicaе forsitan hoc sal decompount, acidumque ejus attrahunt. Hoc quidem aliquando evenire potest; sed res in experimentis quae institui aliter sese habere visa est, quoniam substantiae metallicaе in humorem gastricum immerstae nulla alkali volatilis separatione stipatae fuerunt, ut alkali fixo adjuncto incidere consuevit. Sed, ut potestas, qua liquor gastricus varia, e quibus alimentum nostrum conflatur, solvit, nec acori, nec portioni quam continet salis ammoniaci, tribui possit; hinc quoque actionem ejus in res illa ex neutro horum exponi posse, fortasse concludere liceat.

Ad omnes hasce dubitationes tollendas plurimis experimentis opus est. Cum vero ad investigationem hujus rei animum non admoverim, donec hic dissertatio prelo fuit mandata, eam in praesentia ulterius prosequi nequeo.

F I N I S.

E R R A T A.

P. 11. l. 12. *pro credules lege crudeles.* P. 16. l. 25. *pro duodenam lege duodenum.* P. 22. l. 13. *pro gastrica lege gastrico.* P. 24. l. 19. *pro viridum lege viridem.* Ib. l. 20. *pro gellatinosam lege gelatinosam.* P. 29. l. 9. *pro acorum lege acorem.* P. 31. l. ult. *pro primis lege primus.* P. 40. l. 17. *pro hic lege haec.*